

巴陵縣志卷之二十五

藝文

宋

凡七十首

登岳陽樓

呂蒙正

白尺危樓倚窅冥
凭闌回首不勝情
風吹楚水光搖
漢浪颭君山翠
入城遠岫雨餘羣
樹冷曉江風定
片帆輕正嗟飄蕩
無歸着日暮橋邊一笛橫

洞庭湖

呂蒙正

八月寒濤濺碧空
片帆悠颺信秋風
探珠直待驪龍
睡莫遣迷津浩渺中

巴陵縣志

卷之二十五

藝文

一

送韓瀆殿院出守岳陽

范仲淹

仕宦自飄然
君恩豈欲偏
纔歸劍門道
忽上洞庭船
墜絮傷春日
春濤廢夜眠
岳陽樓上月
清賞浩無邊

寄岳陽滕太守宗諒

歐陽修

峭巘孤城倚平湖
遠浪來萬尋
迷島嶼百仞起樓臺
太守凭闌處
羣賢奉笏陪
清霜薦丹橘
積雨過黃梅
逸思歌湘曲
適文繼楚材
魚貪河岫樂
雲望帝鄉迴
遙信雙鴻下
新緘尺素裁
因聞誇野境
自笑擁邊埃
龍漢方多孽
旄頭反示災
旌旗時映日
鼙鼓或驚雷
有志皆嘗膽
何人可鑿坏
儒生半投筆
牧豎亦輸懷



沮澤辭猶漫蒲萄館未開支離莫攘臂天子正求才
晚泊岳陽樓
歐陽修

臥聞岳陽城裏鐘繫舟岳陽城下樹正見江空明月
□雲水蒼蒼失江路夜深明月弄清輝水上人歌月
下歸一闋聲長聽不盡輕舟短棹去如飛

湘竹

梅堯臣

劈竹□分開情知無合理織作湘紋簟依然淚花紫
淚花雖復合疑岫幾千里欲識舜娥悲無窮似湘水
過堰虹隄
胡寅

有時風浪戰城西何啻漁陽萬鼓鼙狎水蚩蚩忘墊
巴陵縣志
卷之二十五
藝文
二
溺誰人能續偃虹隄

重湖

蘇軾

八月渡重湖蕭條萬象疏秋風片帆急暮靄一山孤
許國心猶在康時術已虛岷峨千萬里投老得歸無
過洞庭青草湖
黃庭堅

乙丑越洞庭丙寅渡青草似爲神所憐雪上日杲杲
我雖貧至骨猶勝杜陵老憶昔上岳陽一飯從人討
行矣勿遲留焦林追獾獠

雨中登岳陽樓望君山二首

黃庭堅

投荒萬里鬢毛斑生出瞿塘灩澦關未到江南先一

笑岳陽樓上對君山

滿川風雨獨凭闌
綰結湘娥十二鬟
可惜不當湖水
面
銀山堆裏看君山

洞庭秋月

米芾

君山南來浩浩滄溟飄風之不起層浪之不
生夜氣既清清露斯零素娥浴水光盪金精
倒霓裳之清影來廣樂之天聲纖雲不起上
下虛明

李白曾攜月下仙
烟波秋醉洞庭船
我來更欲騎黃鶴
直上高樓一醉眠

巴陵縣志

卷之二十五

藝文

三

巴陵書事

寇準

鄉思終日有孤淡
厭琴樽衆木侵山徑
寒江逼縣門
浪沉灘見脊
雨過壁生痕
憔悴悲蘭蕙
因思楚屈原
題巴陵寺
寇準

寺在啼猿外門開古洞
涯山深微有徑樹老半無枝
望遠雲常暝談空日漸移
明朝走馬去還失白蓮期
岳陽書事
楊時

洞庭水落洲渚出
疊翠疏峯遠烟没重樓百尺壓高
城畫棟沉沉倚天闕
湖光上下天水融中以日月分
西東氣凌雲夢吞八九欲與渤海爭
雌雄澄瀾無風

雨新霽一目萬頃磨青銅琉璃夜影貯星漢騎鯨已
在銀河中湘妃帝子昔何許但有林壑浮青空蒼梧
雲深不可見遺恨千古嗟何窮須臾晦冥忽異色風
怒濤翻際天黑乘陵瀨壑走魑魅渟瀆百怪誰能測
忽看舟子玩行險更欲飛帆借風力安得晴雲萬里
開依舊寒光浸虛碧

湘君祠

楊時

烏鼠荒庭暮秋花覆短牆蒼梧雲不斷湘水意何長
澤岸蒹葭綠籬根草樹黃蕭蕭竹間淚千古一悲傷

岳陽樓

王十朋

巴陵縣志

卷之二十五

藝文

四

後樂先憂記飽觀茲樓今始得憑闌吐吞九水波濤
濶出納三光境界寬黃帝樂聲喧廣漠湘君山影浸
晴瀾江山何獨助張說收拾清暉上筆端

讀岳陽樓記

王十朋

先憂後樂范文正此志此言高孟軻暇日登臨固宜
樂其如天下有憂何

過洞庭

張栻

城頭雞一號浩蕩風脚回篙師起相呼牽帆上高桅
我亦推枕聽波浪聲轟厖窻間試一觀萬頃銀山開
附火且安坐念此亦快哉良久天平明已見金沙堆

泊舟古廟底喜色動輿臺我行正長夏及此歲律摧
通籍恨亡補敢賦歸去來所至有何忙妙處姑徘徊
險阻元自平鷗鳥亦不猜萬事有定理渠謾費安排
明朝上湘水雪意正栽培行矣一樽酒好在故園梅

洞庭善慶堂置酒小詩寄之

孫 覲

幽絕小蓬壺參差見畫圖亂青山四出一碧水平鋪
洲葉紅相照沙茸細欲無蓮房并百子橘圃聚千奴
布穀休催種提壺且勸□楚腰飛燕燕秦乍和烏烏
便旋驚回雪連娟引貫珠西風催畫鷁落日詠驪駒
浩蕩川原隔驚呼歲月徂

巴陵縣志

卷之二十五

藝文

五

己酉中秋仕才仲陳去非會飲岳陽樓上酒半
酣高談大笑行草間出誠一時俊遊也爲賦
之

姜光彥

岳陽樓高幾千尺俯視洞庭方酒酣萬頃波光天上
下兩山秋色月東南興來鸞鵠隨行草夜永魚龍駭
笑談我欲煩公釣鼈手盡移雲水到松庵

黃陵廟

畢 田

玉輦南巡去不還翠雲望斷楚雲間波寒剩寫哀絃
怨露冷偏滋淚篠斑一水盈盈傷遠目九峰屹屹慘
愁顏荒州千古淒涼地半掩空祠上暮山

岳陽

張天啟

天入平湖遠樓深納霽華青山藏福地碧樹記人家
水落魚龍蟄風高鴈鶩斜古來形勝地何事憶長沙

昔遊詩

姜夔

洞庭八百里玉盤盛水銀長虹忽照影大哉五色輪
我舟渡其中晃晃驚我神朝發黃陵祠暮至赤沙曲
借問此何處滄灣三十六青蘆望不盡明月耿如燭
灣灣無人家只就蘆邊宿

重修岳陽樓寫懷

鄭民瞻

遍歷江山只此樓名傳自古又今修却觀湘水浮新

巴陵縣志

卷之二十五

藝文

六

景重對君山記舊遊風月依然如故友軒窗今復冠
南州遠追張相滕侯迹幸躡前規壯勝遊

黃陵廟

陸士規

東風吹草綠離離路入黃陵古廟西帝子不來春又
去亂山無主鷓鴣啼

二妃廟

李邦彥

蒼梧杳靄迷霞躡晚雲愁入修眉綠薰風不動五絃
空清淚斑斑在湘竹

過君山不獲覽

陳與義

我愛君山好萬里來南州青眉橫玉鏡色照城中樓

勝日空倚眺經年未成遊今朝過山下賊急不敢留
嵌空浪吞吐蒼蔚風颼颼龍吟雜虎嘯九夏含三秋
了無遙賞異況乃行岩幽虬蟉何當掃延佇回我舟
擲去九節筇褰裳走林邱會逢湘君降翠氣衣上浮
山椒望蒼梧寄恨虛冥摛

晚步湖邊

陳與義

客間無勝日世故可暫逃杖藜迎落照寒彩徧平臯
夕湖光景麗晴鸛聲音豪天長蒹葭響水落城堞高
萬象各搖動慰此老不遭楚纍經行地處處餘離騷
幸無大夫貴得伴諸子遨終然動懷抱白髮風中搔

巴陵縣志

卷之二十五

藝文

七

曉登燕公樓

陳與義

闌干納清曉柱杖追黃鵠燕公不相待使我立於獨
霧收天落川日動春浮木舉手謝時人微風吹野服

泊宋田遇厲風作

陳與義

逐隊避狂寇湖中可盤嬉泊舟宋田港俯仰看雲移
造物猶不惜顛風忽橫吹洞庭何其大浪挾雲車馳
可憐岸上竹翻倒不自持老夫元耐事淹速本無期
會有大風定見汝亭亭時五月念貂裘竟生薄暮悲
蕭蕭不自暢耿耿獨題詩

別岳州

陳與義

朝食三斗葱暮飲三斗醋寧受此酸辛莫行歲晚路
丈夫少壯日忍窮不自恕乘除冀晚泰乃復逢變故
經年岳陽樓不見南宮樹辭巢已萬里兩脚未遑住
水落君山高洞庭秋已素浮雲易歸岫遠客難回顧
飄然一餅錫未知所掛處寂寞短歌行蕭條遠遊賦
學道始恨晚爲儒孰非腐乾坤杳茫茫三歎出門去

送王因叔赴試

陳與義

楓落南紀明秋高洞庭白自是天涯人更送湖上客
人生險易乘除裏富貴功名從此起不須惜別作酸
然滿路新詩付吾子

巴陵縣志

卷之二十五

藝文

八

陰風

陳與義

陰風三日吹南極二月巴陵寒裂石長林巨木受軒
輕洞庭倒流瀟湘黑君不見古廬竹扉聲策策中有
冷泚落南客曾經破膽向炎官敢不修容待風伯

居夷行

陳與義

遭亂始知承平樂居夷更覺中原好巴陵十月江不
平萬里北風吹客倒洞庭葉稀秋聲歇黃帝樂罷川
杲杲君山偃蹇橫歲暮天映湖南白如婦人世多違
壯士悲干戈未定書生老揚州雲氣鬱不動白首頻
回費私禱后勝誤齊已莫追范蠡圖越當若爲皇天

豈無悔過意君子慎惜經綸時願聞羣公張王室臣也安眠送餘日

雨

陳與義

霏霏三日雨靄靄一園春霧澤含元氣風花過洞庭地偏寒浩蕩春半客吟泚多少人間事天涯醉又醒

望燕公樓下李花

陳與義

燕公樓下繁華樹一日遙看一百迴羽蓋夢餘當晝立縞衣風急過牆來洛陽路不容春到南國花應爲客開今日豈堪簪短髮感時傷舊意難裁

雨中對酒庭下海棠經雨不謝 陳與義

巴陵縣志

卷之二十五

藝文

九

巴陵二月客添衣草草杯觴恨醉遲燕子不禁連夜雨海棠猶待老夫詩天翻地覆傷春色齒豁頭童祝聖時白竹籬前湖海濶茫茫身世兩堪悲

登岳陽樓二首

陳與義

洞庭之東江水西簾旌不動夕陽遲登臨吳蜀橫分地徙倚湖山欲暮時萬里來遊還望遠三年多難更凭危白頭弔古霜風裏老木蒼波無限悲

天入平湖晴不風夕帆和鴈正浮空樓頭客子杪秋後日落君山元氣中北望可堪回白首南遊聊得看丹楓翰林物色分留少詩到巴陵還未工

巴邱書事

陳與義

三分書裏識巴邱，臨老避兵初一遊。
晚木聲酣洞庭野，晴天影抱岳陽樓。
四年風露侵遊子，十月江湖吐亂洲。
未必上流須魯肅，腐儒空白九分頭。

巴陵除夕

陳與義

城中爆竹已殘更，朔吹翻江意未平。
多事鬢毛隨節換，盡情燈火向人明。
比量舊歲聊堪喜，流轉殊方又可驚。
明日岳陽樓上去，島烟湖霧看春生。

再登岳陽樓感賦詩

陳與義

岳陽壯觀天下傳，樓陰背日堤綿綿。
草木相連南服

巴陵縣志

卷之二十五

藝文

十

內江湖異態闌干，前乾坤萬事集雙鬢。
臣子一謫，今五年欲題文字，弔古昔風壯浪湧，心茫然。

春寒

陳與義

二月巴陵日日風，春寒未了怯園公。
海棠不惜臙脂色，獨立濛濛細雨中。

城上晚思

陳與義

獨凭危堞望蒼梧，落日君山如畫圖。
無數柳花飛滿岸，晚風吹過洞庭湖。

九日登岳陽樓

陳與義

西風吹日弄晴陰，酒罷三巡湖海深。
岳陽樓上登高

節不負南來萬里心

洞庭野望

陳與義

洞庭微雨後涼氣入綸巾水底歸雲亂蘆叢返照新
遙汀橫薄暮獨鳥度長津兵甲無歸日江湖送老身
悠悠只倚杖悄悄自傷神天意蒼茫裏村醪亦醉人
解官到郡諸丈置酒岳陽樓招炎爲客鄧巴陵

索詩

王炎

重上危樓覽洞庭故人一笑對飛觥君山只似扁山
綠江水不如湘水清一日勝遊成樂事三年俗狀奪
詩情天涯邂逅還離別莫惜尊前底裏傾

巴陵縣志

卷之二十五

藝文

十一

黃陵廟

陶弼

溪上龍蛇屋蕭條帝子祠竹痕當日淚山色後人疑
仙服霞留綺新妝月印眉楚民無水旱簫鼓謝神禧

乘大風發巴陵

陸游

雪濺浪方作翠颭山欲浮奇哉萬頃湖著我十丈舟
三老請避風叱去非汝憂神物識忠信壯士憎滯留
擊鼓催挂帆揮手別岳州仰視羣鵠翔下闖百怪囚
衡湘清絕地恨不從此遊聊須百斛酒往醉庾公樓

岳陽樓

陸游

身如病鶴短翅翎雨雪飄灑號沙汀天風忽吹不得

住東下巴峽泛洞庭軒皇張樂雖已矣此地至今□
百靈雄樓岌業鎮吳楚我來舉手捫天星帆檣纔放
已隱隱雲氣亂入何冥冥鼉鼉出沒蛟鰐橫浪花遮
盡君山青黃衫仙翁喜無恙袖劍近到城南亭眼前
俗子敗人意安得與翁同醉醒

廟下候風呈同行

孔武仲

楚水千百源洞庭爲壯觀勢居七澤右地裂荆吳半
而我泛扁舟飄然一歸鴈來之豈爲益去亦未足算
胡不吹清波縱發如飛翰朝辭廟山曲午泊巴陵岸
況有三面風迎送俱無間定非偏薄厚以掇行旅訕

巴陵縣志

卷之二十五

藝文

十二

奈何苦流滯兀兀晨復旰采芹朝當蔬伐竹暮供爨
舟師三十人餓虎奔芻豢使之裹糧絕慮有探囊患
二王東南望貌像頗輝煥歌鼓歲無休香燈夜侵旦
我爲江湖士乞靈從弱冠四到祠宮下霜髯今已粲
王其故舊卹勿以塗人看尊師況慈忍善道陰有贊
王心或未回師頰固宜緩杯琰似見許歸來整檣慢
祠二廟之明日未得順風呈同行

孔武仲

岳州西祠從古有控帶洞庭湖之口前對隱顯明滅
之湘山下接淵淪洶湧之長川茫茫白沙連絕嶼淡

淡古木蟠蒼烟昭靈王左安流右翠帳朱幡擁前後
鋸牙虎視森兩廂氣骨生獰欲奔走我來纜舟日已
昏袍鞞跪聽祠官言伏興進退如法式四顧詭譎驚
心魂平明結束舟將解叱吸仍聞北風大焚香奏酒
殊無計伏渚藏汀姑有待二王威神世所傳鈐攝鬼
怪賓靈仙好風相送勢不難舒卷造化須臾間波回
草動似有意舉棹開帆卽千里吟詩賞月岳陽樓買
魚沽酒巴陵市

過洞庭

孔武仲

朝來四境宿雲披漸放扁舟入渺瀰漠漠衣襟凌水

巴陵縣志

卷之二十五

藝文

十三

霧悠悠簾幕掛天絲波平自喜看書穩風軟翻愁出
險遲今夜君山興不淺登臨應及月明時

登涵暉亭

孔武仲

常時洲島隔波瀾故覓君山直上看罨畫園林春減
色水晶宮闕晝添寒州城斜引羣峰小湖面平吞數
驛寬坐久西風響喬木扁舟思到武林灘

辭二妃廟

孔武仲

盤空烏鵲噪叢祠船上行人半起時殘月濛濛傾島
□南風嫋嫋透旌旗開帆便欲日千里別廟仍澆酒
□卮岸芷洲蘭均可薦新聲翻入九歌詞

湖山亭

孔武仲

縣山峻絕有新亭公退時來看洞庭天外微茫二湖
合波心縹緲一峰青非時爽氣生雲雨永夜寒光浸
斗星千古登臨增健筆投文猶可弔湘靈

五鼓棄風過洞庭湖日高已至廟下二首

孔武仲

南津灑潏夜風微投曉湖靈更發機想像虛空聞帝
樂逡巡波浪匝天圍三湘路指平蕪轉兩舸帆爭白
鳥飛却上叢祠薦牲酒荆雲隱隱尙朝暉

半掩船篷天淡明飛帆已背岳陽城飄然一葉乘空

巴陵縣志

卷之二十五

藝文

十四

度臥聽銀潢瀉月聲

富貴篇答李令

徐積

我有一筒詩寫出千年意將令後世觀不是前言戲
感君再唱洞庭謠我亦重歌酬子惠古人達者嘗有
異姓王一門五侯三將軍弟兄同入中書堂對開大
第連幾坊私門列戟森鋒鋸十二簾捲珠瑩煌雙姬
扶起坐牙床綠鬟紅袖花成行左盼右顧生春陽高
車食客劍佩鏘堂上已滿坐兩廊巨鑊大鼎烹牛羊
玉壺挹酒金船長美人拜客求盡觴歌姬一誤已絕
肮纏頭彩幣堆如岡酬歌買笑金鴛鴦奴袍火浣直

兩廂三千廢馬紅錦障廁幃文繡爐薰香更衣侍妾
如閨房主人意氣秋鷹揚其心端如彩鳳凰一言合
意青雲翔須臾睚眦磨刀鎗門前臆月可烘裳一日
失勢成冰隍小者腰領屍道旁大者連頸宗族亡犬
雞散盡空遺牆野鳥入室山魃藏嗚呼哀哉可歎傷
至死不悟猶陸梁古來如此有多少豈似洞庭湖上
老無租無稅一生閒有飯有魚一杯飽日落波間烟
正昏雲開湖口山光曉棹翁適自巴陵迴掛帆直指
瀟湘道有言不問俗窮通何憂可入翁懷抱修竿短
棹已自足更有前村一茅屋賣魚沽酒任醉醒繡戶
巴陵縣志

卷之二十五

藝文

十五

朱門自歌哭嗟余未往心先慕更謝棹翁詢去住風
前月下有誰知醉魄吟魂自來去堂前畫作荆南圖
夢中記得巴陵路

二妃廟

楊傑

黃陵二妃廟客過動愁顏湘水有時盡帝車何日還
淚斑千畝竹魂斷九疑山欲問蒼梧事白雲生棟間

巴陵

汪元量

重到巴陵秋正清岳陽城下繫孤舸江湖萬里水雲
濶天地一涼河漢明月出洞庭魚婢舞氣蒸夢澤鴈
□腥篙工又鼓瀟湘柁漁笛漁榔上下鳴

洞庭晚望七首

二錄

高善濂

擊汰涼風水面迴，偃虹隄上夕陽開。
含漿老蚌浮光起，迎棹神鴉舞翅回。
醉唱難尋漁笛樂，羈懷易動暮笳哀。
何能雪鷺銀鷗侶，盡日無愁曲岸隈。
西塞烟痕向晚橫，登臨聊復上重城。
湖中匯澤流千派，望裏長巒翠一桁。
歸楫江臯頻錯認，懷人天末最關情。
散悉商隱還乘興，只恐風波愁轉生。

岳陽樓晚眺卽事疊韻四首

二錄

高善濂

危樓縹緲倚闌斜，無數殘陽噪亂鴉。
過客揚帆衝雪浪，漁人舉網出銀花。
子聲落紙閒聽奕，舌本留香爲

巴陵縣志

卷之二十五

藝文

十六

別茶巫峽瀟湘恣，極覽誰言遠望當。
歸家無聊憑眺日，西斜替恨成啼集。
暮鴉遠樹雲中浮，墨障游魚鏡裏動。
菱花臨高每憶登樓賦，遣興還嘗覓句茶。
到處羈愁多瑟縮，何如烟浦釣人家。

觀洞庭

甄龍友

風定澄空氣渾然，恍肄太極未分前。
祇因有浪知爲水，若遇無風卽是天。
舊說君山張帝樂，新聞老木識飛仙。
而今大洞黃庭客，又看題詩紀歲年。

洞庭湖

劉清之

天孫歲晚會湘靈，倒瀉銀河合洞庭。
上下天光唯一

白中間山色不多青
荆潭萬里收塵滓
宇宙連宵失
晦明莫道人間少
仙境詩思酒魄一時醒

寄岳陽劉從事

韓丕

秋來憶故人
寓目臨大野
遠近聞清商
依稀奏豳雅
經霜樹半紅
無風葉自下
一片洞庭心
聊憑塞鴻寫

岳陽樓

劉仙倫

八月書空鴈字聯
岳陽樓上俯晴川
水聲軒帝鈞
天樂山色玉皇香
案煙大舶駕風來
島外孤雲銜日落
吟邊東南無此登
臨地遣我飄飄意
欲仙

書衣帛詩

氏嫁賈尚書子瓊時
元兵所俘赴水死

韓氏希孟

巴陵縣志

卷之二十五 藝文

十七

宋未有天下
堅正臣禮秉
開國百戰功
每陣惟雄整
及侍周幼主
臣心常炯炯
帝曰卿北伐
山戎今有警
死狗莫擊尾
此行當繫頸
卽日辭陛下
盡敵心欲逞
陳橋忽兵變
不得守箕穎
禪讓法堯舜
民物普安靜
有國三百年
仁義道馳騁
未改祖宗法
天胡肆大眚
細思天地理
中有幸不幸
天果喪中原
大似裂冠衽
君誠不獨活
臣實無愧丙
失人焉得人
垂戒嘗耿耿
江南無謝安
塞北有王猛
所以戎馬來
飛渡以陵境
大江限南北
今此一舴艋
本期固封疆
誰謂如畫餅
烈火燎昆岡
不辨金玉礦
妾本良家子
性僻守孤梗

嫁與尙書兒銜署紫蘭省直以才德合不棄宿瘤口
初結合歡帶誓比日月晒鴛鴦會雙飛比目願常並
豈期金石堅化作桑榆景旄頭勢正然蚩尤氣先屏
不意風馬牛復及此燕郢一方遭刦虜六族死俄頃
退鷁落迅風孤鸞弔空影簪強折白玉餅沉斷青綆
一死空冥冥憂心長炳炳意堅志不移改邑不改井
我本瑚璉器安肯作溺皿志節匪轉石氣噎如吞鯁
不作爝火燃願爲死灰冷貪生念麴蛾乞憐羞虎穿
借此清江水塋我全首領皇天如有知定作血面請
願魂化精衛填海使成嶺

巴陵縣志

卷之二十五

藝文

十八

練裙帶中詩

韓氏

希孟

我資本瑚璉宗廟供蘋蘩一朝嬰禍難流落戎馬間
寧當血刃死不作衽席完漢上有王猛江南無謝安
長號赴洪流激烈摧心肝

元凡五十
二首

洞庭秋月

揭傒斯

灑氣自澄穆碧波還蕩漾應有凌風人吹笛君山上

岳陽樓

虞集

落絮飛花點鬢絲清湘春晚獨歸時我來不爲湖山
好祇欠岳陽樓上詩

洞庭連天樓

傅若金

崔嵬古廟壓危沙，縹緲飛樓入斷霞。
南極千峯迷楚越，西江衆水混渝巴。
鮫人夜出風低草，龍女春還雨濕花。
北倚闌干望京國，故人何處認星槎。

岳陽中秋值安南貢使因懷舊遊

傅若金

洞庭秋氣滿龍堆，爲客偏驚節序催。
鐵笛乍聞雲外□，瓊樓應傍月中開。
越裳重譯三年至，溟海浮槎八月來。
忽憶舊遊今萬里，天涯重見鴈飛回。

歸舟阻風

傅若金

巴陵縣志

卷之二十五

藝文

十九

洞庭十日風勢號，沙頭客舟如繫匏。
沅湘九道白波立，衡霍千峯元霧交。
神龍欲蟄無定窟，黃鵠將歸愁故巢。
咫尺城樓不得上，何因一望楚江郊。

登岳陽樓

傅若金

馳傳自青天，憑高憶往年。
闌干映水迴，埤堥與雲連。
江合沅湘大，山侵楚蜀偏。
蜃郎通別井，龍女宅重淵。
日月鴻濛裏，風沙浩蕩前。
驪珠秋後冷，犀火夜深燃。
張樂猶疑奏，乘槎欲並仙。
登臨停去騎，寵餞惜離筵。
地氣南交接，天文北極懸。
賦慚士粲作，詩擬杜陵傳。
渺渺衡陽鴈，迢迢浪泊鳶。
早春回漢節，應得泛湖船。

巴陵女子行 并序

郝 □

己未秋九月王師渡江大帥拔都及萬戶解
成等自鄂渚以一軍覘上流遂圍岳岳潰入
於洞庭俘其遺民以歸節婦巴陵女子韓希
孟誓不辱於兵書詩衣帛以見意赴江流以
死其詩悲婉激切辭意壯烈有古義士未到
者今并其詩錄於左方嗚呼宋有天下文治
三百年其德澤龐厚膏於肌膚藏於骨髓民
知以義爲守不爲偷生一時計其培植也厚
故其持藉也堅乃知以義爲國者人必以義

巴陵縣志

卷之二十五 藝文

二十

歸之故希孟一女子而義烈如是彼振纓束
髮曳裾峩冠名曰丈夫而誦書學道以天下
自任一旦臨死生之際操履云爲必大有以
異於希孟矣余旣高希孟之節且悲其志作
巴陵女子行以申其志云

序照顧俠君選
本與坊刻異

北來諸軍飛渡江突騎一夜滿岳陽樓頭火起入閭
巷曹逃偶走如牛羊巴陵女子尙書婦生平不識門
前路亂兵驅出勢蒼黃夫壻翁姑在何處吞聲掩淚
行且啼啼痕沾濕越羅衣此身忍使人再辱裂帛暗
寫臨終詩上言社稷安危事下說投江誓天志一回

宛轉一悲辛心折魂飛不成字詩成淚盡赴江流
眉蕭颯天爲愁芙蓉零亂入秋水玉骨直塋青海頭
古來烈婦纔一二誰似巴陵更文理名與長江萬里
流丞相魏公還不死

過洞庭二首

歐陽元

白沙隱隱見金鼇殿閣憑虛結構牢天水渾
極神人幽顯隔秋毫龍堂深閤靈栖冷象緯低垂客
枕高欲作廟中迎送曲杜紅蘅碧盡離騷

媧皇搏土擲虛空屹立君山面勢雄一畫犧圖天地
骨九江鯨觀鬼神功裙飄帝子蒼茫外樂奏鈞天瀕
巴陵縣志

卷之二十五

藝文

二十一

洞中頗恨當年鄒魯客觀瀾未到楚諸熊

登岳陽樓

歐陽元

江出夷陵西復西東陵城上倚天梯月生巫峽尋常
見雪壓君山一字低岩客朗吟歸鶴遠巴童清夢繞
猿啼如何偉絕東南觀不遣謫仙蘇二題

悼巴陵女

李孝先

河從積石來滔滔東入海逝波何還時誰能坐相待
妾心比山石之死終不改生逢堯舜年賤妾獨何罪

登岳陽樓

高京恭

九水匯荆楚一樓名古今地連衡岳勝山壓洞庭深

宿鴈落前浦曉猿啼遠林倚闌搔白首空抱致君心
登岳陽樓寫懷
許有壬

半空輪奐壯巴邱消得騷人一繫舟雲氣遠携湘雨
至湖光寒入蜀川流江山信美非吾土天地無窮有
此樓三十四年如夢過可憐黃髮賦重遊

巴陵女子行

彭 采

巴陵郡西江水渾赤沙黃壤東南奔邇來湜湜已百
載中有婉孌之忠魂當時郡有賈氏婦志節凜凜摩
乾坤家亡國破身執義不辱乃是韓魏國忠獻五世
之曾孫臨平湖開石封發五陵氣盡天房昏甲馬三

巴陵縣志

卷之二十五

藝文

二十二

百萬北來正啍啍連城破竹勢迎刃牽羊係頸投冠
解綬乞伏竄匿俱紛紛不意弱草中見此松栢根讀
書不學曹大家事夫却是桓少君君臣大義本與夫
婦一慷慨萬古保貞操視生死朝夕不啻富貴如浮
雲恨不生爲男橫戈赴三軍栖栖臨絕音耿耿昭人
文練裳縱橫四百字上陳祖宗創業有至道下斥姦
邪誤國偷生存吾詞旣畢分已盡精衛何苦猶銜冤
想當捐佩入不測幽光上浮白日銜陰魄直塞珠宮
門湘靈罷瑟慮妃泣馮夷長嘯羣龍翻至今合誦其
詩感其事令人浩氣填膺那可捫或者疑之不能成

人善謂其見夢於人不若効靈史氏爲可敦嗚呼□
無歐陽公斷臂之婦終無聞何以愧賣降表貞節薄
俗那能譏兔園我願然犀取靈骨封以夏屋旌以石
表雙高蹲奏之大廷布天下激厲臣子皆忠淳可以
扶三綱正人倫謂予有不信請視賈娥墳

至岳州宿岳陽樓

陳秀民

蕩槳溯流光登樓望八荒江山出圖畫天地入舟航
夜靜星文動秋高月色涼題詩懷李白搔首鬢滄浪

岳陽樓二首

梁曾

樓前秋水健帆開樓上涼風舞袖迴萬里舟航通鳥

巴陵縣志

卷之二十五

藝文

二十三

道四時風景護龍堆江山如此不一醉歲月幾何能
再來欲問老髯求鐵笛夜深吹上紫荆臺

岳陽樓觀倚晴空樓外君山指顧中地勢平吞三楚
遠城闈高壓九江雄乾坤好句唐工部廊廟雄文宋
范公秋晚登臨正奇絕只疑身在水晶宮

洞庭秋月

陳孚

月明水無痕冷光泫清露微風一披拂金影散無數
天地青茫茫白者獨有鷺鷥去月不搖一鏡湛如故

呂仙亭

陳孚

昔日呂公遊洞庭玉簫吹裂蘆花汀秋空一劍忽飛

去夜月千山煙冥冥天地茫茫烏兔急波濤洶洶
螭腥起呼老樹欲與語濕露亂灑苔痕青

岳陽樓

陳孚

洞庭木葉風颼颼雪浪萬頃飛白鷗氣浸中天日月
溼影搖大地山河浮數聲裂玉洞賓魄一點殘黛湘
娥愁安得天瓢酌仙酒跨鯨直上扶桑洲

君山行

貫小雲石海涯

北溟魚背幾千里負我大夢遊弱水蓬萊隔眼不盈
拳碧落香銷吹不起茜裙女兒懷遠遊遠人不歸明
月羞寶釵縮髻翠欲流鳳鬟十二照暮秋女媧煉石
巴陵縣志

卷之二十五

藝文

二十四

補天手手掘石開露天醜瓊樓玉宇亦人間直指示
君君見不斯須魚去夢亦還白雲與我遊君山

岳陽樓

貫小雲石海涯

西風吹我登斯樓劍光影動乾坤浮青山對客有餘
瘦遊子思君無限愁昨夜漁歌動湖末一分天地十
分秋

湘夫人祠

元好問

木蘭芙蓉滿芳洲白雲飛來北渚遊千秋萬歲帝鄉
遠雲來雲出空悠悠秋風秋月湘江渡波上寒烟引
輕素九疑山高猿夜啼竹枝無聲墮殘露

岳陽樓

于巖

不昨蒼茫去眞成汗漫遊三千夜郎客一枕洞庭秋
覓句鴻飛處看山天際頭猶嫌未奇絕更上岳陽樓

岳陽樓

伯顏九成

鄂渚天開出畫圖君山螺立洞庭湖登樓西望江分
楚倚檻東臨水坼吳浩浩春潮趨赤壁悠悠雲氣隱
蒼梧人生擾攘成何事却羨沙邊釣艇孤

登岳陽樓

張孔孫

城上元龍百尺樓樓前范蠡五湖舟江吞巨野偏宜
夏月度晴宵便是秋天下江山無此觀古來西北是
巴陵縣志

卷之二十五

藝文

二十五

神州自憐身屬官倉米負我同盟萬里鷗

登岳陽樓

趙景獻

蓬萊仙境玉爲闌地位清高隔世間日落暮雲生峽
雨雪消春水漲巴山繡衣使者添新句鐵笛仙人老
大還我亦朗吟回首處海風吹鴈楚天寒

題呂仙亭

房皞

岳陽城南呂公洞道人見客無迎送事少方知日月
長身閒未覺功名重竹影松陰生午涼山色湖光設
朝供高吟下視世間人幾人不在黃梁夢

寄呈岳陽諸友

房皞

稟性太褊率不受塵事觸自小遠市廛僻居在巖谷
人間嗜好心舍書百不欲一飽更奚求簞瓢隨分足
失脚墮世路纏糾若徽纆人以官爲榮我以官爲辱
平生喜高潔爲官近卑俗平生喜曠達爲官窘邊幅
平生喜疎散爲官貴圓熟平生喜忠鯁爲官多諂曲
澆漓當此時古道那可復鷓鴣巢一木偃鼠飲滿腹
誰謂朱門中區區匄梁肉折腰趨下風不厭解印速
青山喚我歸早晚謝羈束一尊石上酒浩歌對松菊

黃陵曲

王廓

黃陵磯頭煙樹簇黃陵廟前煙草綠來朝時接洞庭

巴陵縣志

卷之二十五

藝文

二十六

君驚浪掀空駕銀屋西風吹散魚龍腥天空落日波
冥冥君王龍馭夜臺冷雲晚蒼梧山更青月華二十
五絃秋聲斷白蘋江自流竹花遍棲野林血地老天
荒蛾黛愁嬪虞雙笄虞已老雲鏡芙蓉怨秋槁天子
巡遊后不從祇益神明楚辭好千帆萬櫓香火足古
木蒼藤鴉鷺宿夜寒星斗滿晴川漁郎時唱湘靈曲

登岳陽樓

鞠志元

城遶清江醉眼醒夕陽返照過松亭烟生岸芷浮空
碧雲過蒼松削亂青鶴已有田隨濶水鷗能無侶伴
寒汀已將小隱容疏放日對湖山問蝦蟇

登岳陽樓

寇元德

城頭雲氣壓層樓
城下江聲送客舟
天岳一峯青卓
玉洞庭千頃遠
涵秋繁華今古饒
中土形勢東南有
此州我欲浮家
凌浩渺不妨吟
釣伴沙鷗

登岳陽樓

安宗說

何處能消萬斛愁
洞庭湖上岳陽樓
連天巨浪湘江
曉拂面狂風楚甸
秋天際斷雲來
隱隱空中孤鴈去
悠悠君山一點青
如黛知是滄溟第幾洲

岳陽樓

李泰來

勝概東陵天下無
樓高背岳面重湖
風波來往幾千
巴陵縣志

卷之二十五

藝文

二十七

里雲夢并吞八九區
東望武昌懷赤壁
南巡湘水弔蒼梧
鼎成龍去今何在
惟有君山似畫圖

晚過巴陵

高思恭

楚水凝千里湘雲隔
萬層城高秋浦月
星雜夜船燈
旅況天誰管年光雁
可憑殷勤淡山色
相送過巴陵

黃陵廟

胡天遊

黃陵祠前春草齊
黃陵廟下春波肥
鷓鴣飛飛宮樹
綠日落未落湘雲
低祠中帝子重華
妃明粧窈窕雙
芙蕖哀絃五十淚
如雨此恨只有江
山知飛龍之車
無定栖乘風倏忽
蒼梧西吹簫酌酒
心自苦雲屏霞

□歸何時茜裙嬌小誰家兒未識人間生別離□□
相呼採蓮女來看祠前斑竹枝

道經巴陵登岳陽樓用孟襄陽韻

□□□□□□

李綱

□湖望不極秋色靄殘陽洲渚雲沙白菰蒲霜葉黃
飛帆適沅澧迴雁過瀟湘楚客經行處依然蘭芷香

洞庭迎送神辭四章

陳泰

我歲晏兮北行蹇維舟兮洞庭詣靈均兮神圉女巫
進兮告情擊鼓兮坎坎心馳兮日短靈悄悄兮有無
思我虔兮毋遠

巴陵縣志

卷之二十五 藝文

二十八

修門兮延佇靈將動兮松語羣龍兮吹靈森天矯兮
樹羽擊鼓兮咽咽靈飈兮建旂爵爵玉珥兮佺服映
佺紉兮華轂紛進拜兮王臣心夷猶兮平陸

我所悅兮霞觴假將進兮翱翔盼靈光兮怵惕靈慰
我兮清揚醺酒兮苾椒荃蕙兮爲穀靈飲此兮長壽
配南箕兮參北斗介下土兮景福荷皇風兮永久
蹇旣醉兮日暮絲烟生兮南浦靈之回兮影翔紛遺
女兮螭章幽櫺兮閉夕窈窕兮望不極雲冉冉兮靈
辭羗勞汝兮余思湖之濱兮有芷候南風兮來歸

登岳陽樓

梁承大

□前白浪擊城迴山色湖光入酒榼賈客帆檣來□
道漁村煙火隔龍堆天晴漢女擬拾翠日暮巴童歌
落梅自惜凭闌倍惆悵幾人懷抱得重開

登岳陽樓

陳公舉

風送扁舟過洞庭危樓招我一登臨水聲東去有消
長山色西來無古今勝概盡歸文正記高情空向呂
翁吟倚闌把酒聊成醉足慰南遊萬里心

岳陽樓

周慕溪

乘風來叩洞庭君送我樓心慰素聞水匯荆襄江欲
合天連吳楚地曾分千帆過雨紅搖日一島撐空翠
巴陵縣志

卷之二十五

藝文

二十九

擁雲歲月悠悠闌獨倚若爲憂樂話希文

岳陽樓

姚子徵

岳陽樓上獨凭闌萬里乾坤指顧間賈客帆檣輕似
葉騷人詩句重如山波濤洶湧無今古日月浮沉幾
往還欲聽老髯吹鐵笛一天風露不勝寒

送徐方舟之岳陽

高明

布帆高挂發吳歌巴陵到時秋思多涼風漸落君山
木明月正滿洞庭波丈夫壯遊有如此人生清事能
幾何想見題詩掇景物夜深風雨泣湘娥

過黃陵廟

李材

黃陵廟前湘水綠天寒漁郎唱巴曲沙棠舟上月
倉翠蛟白蜃江茫茫似聞清愁五十柱萬里鴻飛楓
葉暮神鴉翻舞祠門開珠裳玉袖霑莓苔元猿晝啼
薜蘿影赤鱗夜去芙蓉冷北渚淚痕斑竹紋南風哀
思蒼梧雲山頭古桂秋露碧山下江流豈終極荒涼
揭車雜杜蘅靈風自吹煙霧旌輕帆晚向芳洲泊聊
薦蘋羞奠蘭酌沉有汜兮湘有沱洞庭水落生層波
徘徊獨詠騷人歌

湘淚竹管

錢惟善

黃陵廟前捐珮玦龍影搖文織湘血翠帷塵滴不乾
巴陵縣志

卷之二十五

藝文

三十

雲湘水無聲楚魂咽蠻娘弄作吳娥吟五音嘹亮生
枯節一聲直向天上聞手挾飛仙挽秋月嗚嗚似向
烟中語十二螺鬟排律呂黃鶴樓空人不還斷腸聲
裏招神女

送鄭同夫歸豫章分題得洞庭湖

顧瑛

五湖秋水洞庭煙七十二峯青插天神禹書藏林屋
裏仙人詩刻石屏前温温玉氣穿靈洞白白銀河瀉
瀑泉鴻鴈來時木葉下送君晨發楚江船

酬段御史登岳陽樓之作時分理盜賊至海□

□□□

范曄

誰能手鋪湘水平，剗却君山看洞庭。昔人已騎黃鶴去，樓前亂芷春蘭青。豈知繡衣後，千載遠違鳳闕來。江城憑高弔古，落日紫領客置酒，開雲屏酒酣點筆賦新句，薄海傳誦令人驚。憶我初遊白玉京，與君聯步趨承明。手宣皇猷敷帝績，濟濟學士如登瀛。一行竟墮萬里外，回首滄浪思濯纓。守官區區事無補，惟有白髮欺人生。牴牾水外萬竹底，四時烏語煙邊鳴。忽忽此地復相見，恍如幽夢求仙靈。中宵秣馬不遑暇，君又北鄉予南征。如茲後會復何日，念之使我雙

巴陵縣志

卷之二十五 藝文

三十一

涕零宮中聖人總四溟，所過海岳須澄清。鐵冠峨峨望天下，青雲快展皆修程。由來豺虎伏仁獸，況有鷹隼當秋橫。明夜相思隔雲島，月落高臺聞笛聲。

漂泊岳陽遇張中行，因泛舟洞庭晚宿君山聯句

丁開

元氣無根株開地脉有斷絕行中日月互吞吐開雲霧

自生滅行中楚妃結幽想開巴客答清映行中寧知莽蒼

中不假巨鰲力，勢閱南紀浮開思隨西風發，形影寄

孤舟行中吾道成缺舌，笑談正凌傲開俯仰不偏側，每

與景物會行中未省歡娛畢，疊翠晚悒悒開墮黃秋的

的魚龍負鼉屨行中 獨鳥去不息曠野眇周抱開 異境

超恍惚徑度萬頃空行中 煮茗香初歇衣裳識霜信開

瓶鉢了禪悅事定心源清行中 夢回斗柄直周遊興欲

盡開 長往計未決出門更回首行中 洲水盪虛白美哉

神禹功開 已矣三苗國山水長不朽行中 愚智俱可惜

神交正冥冥開 指點空歷歷慎勿語俗人行中 桃源恐

相失開

巴陵雨中

安南國王 陳益稷

鴉拂平林鴈陣空黃花行李老秋風如何一夜江南
夢盡在巴陵細雨中

巴陵縣志

卷之二十五 藝文

三十二